

# KATCHINIKE SEANIKO NIGOPATANI

JANGGI TANGANIKO DINGTANGATNA SASTROKO PORAIANI!

DIABOLNI PATOK NOK

2 Ser. 36:11-21

## GOLPO...



**A**n-chingni a-gilsako ong-atgiminrang baksa apsan chu-sokgipa ong-e dakaha. Mande, matburunrang, aro sam bolrang apsan nangrime dongaha. Indiba pap napanichi, pilakan dingtangaha. Mande matburunrangko cha-na a-bachengaha, aro matburunrang mangsa manggipinko cha-na a-bachengaha. Bu-surang pilakchin nabaaha. Papni sao a-mitimko gimaataha. Isol Kaina aganaha, “Na-a a-ako gamon, ua biltangchi nang-na chaatjawa.” Abachenga 4:12.

Ian mingisa a-selni gimin Jihova Israelni dedrangko bilsniprako a-a gamarangoni neng-takchina ge-etaha (Reo. 23:10, 11). Ian a-ako a-sal gnanggipa ong-atpiltaina cholko on-genchim aro kangal ong-gipa jakgitele cha-na man-gen. Indiba bang-a Isolni manderangan ia niamko simsakjaha ba uko manina jechakaha. Indake ka-onangani bichalni sal sokbaaha. Nebuchadnezzar, Babylonni raja, Judaona re-baaha aro an-tangni kosako bobil dake chakatgiparangko so-ottokaha. Gipinrang Babylonni sonani songjinmaona rim-gittangako man-aha. Indakmiting somoio, “ua as-ong neng-takani salrangno kusi ong-e dongjana kingking” Israelni a-a nosto ong-atako man-aha.” 2 Serikani 36:21.

Bilsi 70 matchoto, tange donggiparang Kanaanona Ku-rachakgimin A-songona gampiltaina aro Jerusalemko rikpiltaina re-bapilaha.

Bilsi 6,000 na da-o, Jisu nama kattani bitchilko satengaha. Sastro an-chingna agana je, “Gitelni nikanio sal sa hajal bilsi gita, aro hajal bisi sal sa gita ong-a.” 2 Pitor 3:8. Ru-utgijan Raja Jisu a-gilsakko rana re-bagnok. Mitamrang Uni rasongni teng-suanichi so-otako man-gen, aro dongpitigiparang Uni sonani songnokona rimangako man-gen. Uni ja-mano ia giticham a-gilsak bilsi 1,000na Neng-takna rakkiako man-gen, galchipako man-gipa patok nok, tu-gipa a-kol gita ong-gen, jeon Satan bilsi hajalsa matchotjana kingking slitingchi ka-ako man-gen chong-motan gitalgipa a-gilsak a-bachengna skang ong-gen.



# PORAIANI

*Satroni podko poraie bangbangrango gapatbo.*

## 1. Maia obostarangi, 1,000 bilsirangni a-bachenganiko mesoka?

**1 Thessalonikarangna 4:16** *Maina \_\_\_\_\_ Antangan, inchroa ... salgioni \_\_\_\_\_, ... unon Kristoo \_\_\_\_\_ skang chakatgen.*

**Parape-a 20:4, 5** *Aro uamang bils \_\_\_\_\_ Jisu baksa tange raja ong-aha. Ian \_\_\_\_\_ chakatpilani.*

**U·IE RA·ANI:** Parape-a 20 ni bils hajalsako millennium ine bang-a changon mingaha. “Millennium” ingipa kattara Latin ku-sikni minggini ra-dimgimin kattarang ong-a: “Milli,” ni ortode “hajal sa,” aro “annum,” ara “bilsirang” ine miksongani ong-a. Jisuni gnigipa re-bapilani aro toromirangni chakatpilanian bils hajalsani a-bachenganiko mesoka. Pilak chasongni toromirang (pod 6 o rongtala ine talataha) skanggipa chakatpilanio bak man-pagiparang ong-gen.

## 2. Maia gipin skanggipa chakatpilanio ong-gen?

**1 Korinthirangna 15:51, 52** *An-chinga pilakan tusijawa, indiba \_\_\_\_\_, mikjipsao, chon-kamani singga sikao. Maina singga sikgen, aro simgiminrang gimagija ong-e chakatatako man-gen.*

**Philippirangna 3:21** *Uandake ua an-chingni on-ani be-enko \_\_\_\_\_ be-en gita bimang dingtang dakgen.*

**2 Thessalonikarangna 2:8** *Aro unon ua niam pe-gipa parape-ako man-gen aro uko Gitel Jisu ku-sikni balwachi... aro uni re-baani mikkang pa-achi \_\_\_\_\_.*

**Parape-a 16:18, 20, 21** *Aro \_\_\_\_\_, manderang a-ao ong-chengaoni uandakgipa banggribea, uandake ta-raka. ... Aro pilak chichang katangaha, aro a-brirangko nikjaha. Aro manderangni kosako salgioni dal-begipa muanprakmang gita \_\_\_\_\_ onaha.*

**Parape-a 20:1, 2** *Aro anga salgioni sa-gre ... aro ua drakon, chong-motan gitcamgipa chipu, Diabol aro Satan ong-gipako rim-e, bils hajalsana uko \_\_\_\_\_.*

**U·IE RA·ANI:** 1,000 - bilsini a-bachengo ong-nasigipa obostarangni noksako jak 6 oniko nibo.

### 3. Sawarang gnigipa chakatpiliano chakatatako man-gen, aro uan basako ong-gen?

**Johan 5:28, 29** Maina jensalo gopramrango donggipa darangan Uni ku-rangko knagen, aro namarangko dakgiparang janggini chakatpilaona, aro namgijako dakgiparang \_\_\_\_\_ chakatpilaona ong-katgen. Parape-a 20:5 Dongpitigipa sigiminrang bilsa hajalsa \_\_\_\_\_ kingking tangjaha.

**U-IE RA-ANI:** Denggurang bilsa hajalsa matchotani ja-mano gnigipa chakatpiliano chakatatako man-gen.

### 4. Bilsa 1,000 ni somoio a-gilsakni obostara mai ong-gen?

**Isaia 24:1** Nibo, Jihova a-ako \_\_\_\_\_ ong-ata aro uko gimaata.

**Jeremia 4:23-26** Anga a-ako niaha; aro nibo, ua porongrong, aro \_\_\_\_\_; a-aro salgirangko niaha, aro seng-a gri. Anga a-brirangko niaha, uarang moa, ... mande dongjaha, aro salgirangni kokkimaao donggipa pilak do-orang katangaha. ... Jihovani mikkango, uni ka-onangbeani mikkango, bite nanggipa a-ai bakra ong-aha, aro uni pilak \_\_\_\_\_ ruaha.

**Jeremia 25:33** Aro ua salo Jihovani \_\_\_\_\_ a-ani ku-chot saoni a-ani ku-chot gipinona donggen. Uamangna kalimjawa, aro uamang chimongako man-jawa, aro \_\_\_\_\_ man-jawa.

**U-IE RA-ANI:** A-a chu-gimikan banggriachi aro stilchi nisiatako man-gen jean Jisuni gnigipa re-baani chin ong-a. Uko andalao chu-gimik donggen. Sigimin manderang a-ani kosako pilakchin piprae donggen, darangba kalimgipa dongjawa, maina darangba tange dongjawaha. Toromirang pilakan salgio ong-gnok, aro denggurang pilakan sitokgnok. ("Tu-begipa A-kol" ingipa poraidapaniko nibo)

### 5. Bilsa hajalsani somoio toromirang bano ong-gen, aro uamang maiko dakgen?

**Johan 14:3** Anga re-bapile na-simangko An-tangona rimanggen; maikai anga \_\_\_\_\_, na-simangba uanon dongna man-gen.

**Parape-a 20:4** Aro anga singhasonrangko nikaha, aro uarango asonggiparangna \_\_\_\_\_ on-aha. ... Aro uamang bilsa hajalsana Jisu baksa tange raja ong-aha.

**1 Korinthirangna 6:2, 3** Ba \_\_\_\_\_ a-gilsakko bichal ka-gen ine na-simang u-ijama? ... An-chinga sa-grerangko bichal ka-gen ine na-simang u-ijama?

# LESSON 14

**U·IE RA·ANI:** Bilsi 1,000 somoio rongtalgiparang salgio ong-e, bichal ka-anio bakko ra-gen. uamang sawa jokaha ba gimaaha uko bichal ka-jawa maina uko Isol tik ka-mangnok. Uamang Isol bichalrangkosa ra-chake donaignok. “Maina Nang-ni kakket dakanirangko parak ong-ataha.” Parape-a 15:4. Gimagiminrangna Isolni sasti on-aniko aro toromrangna on-pilskaaniko ra-chakmangnok (Parape-a 22:11, 12). Ia bichal ka-ani gadangara rongtalgiparangni namgnini gimim ong-a. Mesokatna, chanchipe na-a salgiona re-angna man-aha aro nang-ni ka-sagipa pamongde uano ong-na man-pajaha indioba saoba mande so-otgipade uano ong-eskaaha! Na-a talataniko on-na haida nangnaba donga. Sa-grerang maiba ka-dongchakna man-gijanirangko namatna serikani ki-tapona an-chingko dilanggen. Bichal ka-aniko matchotman-ahaode, pilakan Isolni kakket ong-e bichal ka-ani, ka-saani, aro mikkang nigija pilaknan kam ka-anirangko chu-gimikan bebera-gen. Uamang indine parakgen, “Maina uni bichalrang bebe aro kakket.” Parape-a 19:2. (Poraidapna on-sogimin “Bilsi 1,000 - na tarigipa noksako nibo)

## 6. Bilsi 1,000 matchoto mai ong-gen?

**Zekaria 14:1, 4, 5, 9** *Nibo, Jihovani sal re-baa, ... Aro ua salo uni ja-arang Jerusalemni mikkango salaramchipako donggipa \_\_\_\_\_ kosako chadenggen. Aro Joitun a-bri salaramchi aro saliramchi uni jatchio dal-begipa a-kongchi bak gni dake \_\_\_\_\_ man-gen, ... Aro angni Isol Jihova, aro Unbaksa pilak rongtalgiparang re-bagen. ... Aro Jihova a-a gimikni kosako raja ong-gen.*

**Parape-a 21:2** *Aro anga rongtalgipa songjinma, Jerusalem gitalko, Isoloni \_\_\_\_\_ nikaha, ua setangna tarisogimin namchik gita tarisoa.*

**U·IE RA·ANI:** Bilsi 1,000 matchoto, Gital Jerusalem rongtalgiparang baksa salgioni ong-onbagen aro jekon da-o Joitun A-bri minga, ia a-ani kosako uko dongen. Gital a-brikosongjinmani biapna apsan dake ga-nangatedal-begipa biapdakatgen.

## 7. Uni ja-mano Satanko uni patokoniko jakgitelatna maiko dakgen?

**Parape-a 20:5, 7** *Dongpitigipa \_\_\_\_\_ bilsi hajalsa matchotkujana tangjaha. ... Aro bilsi hajalsa matchotoa Satanko uni patokoniko \_\_\_\_\_.*

**U·IE RA·ANI:** Denggurangni chakatpilani ja-mano, Satan changsatai jakgitel ong-atako man-gen aro uamangni kosako jakgitele tol-napna bil man-taigen.

## 8. Denggurang chakatpilotaniko man-on Satan maiko dakgen?

**Parape-a 20:8, 9** *Aro ua a-ani ki-tik brini jatrangko, Gog aro Magogko brangatna, aro uamangko dakgrikaniona \_\_\_\_\_ ong-katgen. Uamangni bang-a sagalni an-cheng gita ong-a. aro uamang a-ani apalako doangaha aro rongtalgiparangni a-tipko aro ka-sara songjinamako \_\_\_\_\_.*

**U-IE RA-ANI:** Satan manderangko bebera-atna tol-napaniko dakgen je uko salgioniko kragija bichal ka-e galonataha aro uamang da-o damsang songjinmako rim-gopna aro bilni ning-o donna man-aha. Rongtalgipa songjinmaoniko uamang chipchangako man-aha ine u-ie, denggurang Gital Jerusalemko chadrapna aro uko ra-na kam ka-gen.

## 9. Ia apchangketgipa somoio, maiasa pilakkon dontongatgen?

**Parape-a 20:11, 12** *Aro anga dal-gipa \_\_\_\_\_ aro uno asonggipako nikaha, ... Aro sigiminrang ua ki-taprangko segiminoni, kamtangtang gita \_\_\_\_\_ man-aha.*

**U-IE RA-ANI:** Isolni singhasonko rang-gitik salgio songjinmani kosako nakatgen, aro bon-kamgipa bichal ka-aniko dakna a-bachenggen. Isolni songjinmako dakgrikaniko rang-gitik dontongatgen. Ki-taprangko ogen, aro sakanti mandeni janggi tanganiko uni mikkango bichal ka-ani raiko on-gen. Pilakkon denggurangna aro toromirangna nikna man-na gita oparake on-gen (Luk 12:2, 3).

## 10. Denggurangko bichal ka-ani ja-mano mai ong-skagen?

**Romrangna 14:11** *Maina sea gnanng, Gitel agana, \_\_\_\_\_ angna pilakni ja-sku dipangen, aro pilak sre Isolna ku-rachakgen.*

**Philipiriangna 2:10, 11** *Maikai salgio aro a-ao aro a-ningo pilakni ja-skuan Jisuni bimungna dem-gen aro Jisu Kristoan Gitel ine Pagipa Isolni rasongna pilak srean \_\_\_\_\_.*

**Parape-a 19:1, 21** *Iarangni ja-mano anga salgio bang-a jinmani gam-bea ku-rangko knaaha, "maina Uni \_\_\_\_\_ bebe aro \_\_\_\_\_."*

**U-IE RA-ANI:** Isolara kakket dake bichal ka-gipa aro Ua uamangko jokatna jotking dakgipa ine denggurang pilakan jakgitele ku-rachakgen, indiba uamang paraken Uko jegalna aro an-tangtangni papo janggi tangnasa baseaniko dakgen. A-gimikan ia ku-rachakaniko dakani ja-mano, papni gimini jengrikaniko pangnajolna matchotatgnok aro papirangko nisiataniara naljokani ong-a ine agangnok.

## 11. Uni ja-mano mai ong-gen?

**Parape-a 20:9** *Unon \_\_\_\_\_ salgioni ong-onbae uamangko \_\_\_\_\_.*

# LESSON 14

**Parape-a 20:15** *Aro sakoba ua Janggini Ki-tapo seako nikjaode, uko wa-alni \_\_\_\_\_.*

**U-IE RA-ANI:** Uni ja-mano Isolni wa-al denggurangni kosako ga-akaha aro apalgipa norokni wa-al Isolni songjinmako duule dongaha. Ia wa-alan uamangko tappra changpile kamchonaha (Malaki 4:3). Diabol ia wa-alni kosako bilko man-jaha, jekon wa-alni gondok ine mingaha. Indiba, ua aro uni sa-grerangba wa-alo sasti on-ako aro tappra changatako man-gen (Parape-a 20:10; Ezekiel 28:18). Ia wa-aloni darangba chakatpiljaha, jekon gnigipa siani ine mingaha (Parape-a 20:14).

## 12. Wa-al kimitani ja-mano, maiko Isol An-tangni manderangna dakgen?

**Isaia 65:17** *Maina nibo, anga salgi gital, aro aha gitalko \_\_\_\_\_.*

**2 Pitor 3:13** *Indiba uni ku-rachaka gita, an-ching gital salgirang aro gital a-ako nichaksoenga, jeo, \_\_\_\_\_ dongkama.*

**U-IE RA-ANI:** Babylonni rim-gittangani bilsa 70 matchoto, Israelni dedrang ku-rachakgmin a-songona re-bapilaha aro songjinmako rikpilitaiaha. Bilsa hajalsani ja-mano, toromirang Jisuni gital salgiko aro chu-sokgipa gital a-ako ong-atako nikgen, jeon pap mamung saloba dongtaijawaha (Nahum 1:9). Je an-senggipa biapko Adam aro Hoba papchi gimaatahachim uko Edenni rasongan gape on-piltaigen. Tom-tomani, katchaani, ka-saani, aro chu-soksranggipa kusi ong-anian Isolni manderangni kosako jringjrotna ong-gnok!

## 13. Bano Isol aro toromirang bon-kame donggen?

**Parape-a 21:3** *Nibo, manderang baksa Isolni dongchakani, aro Ua \_\_\_\_\_ baksa \_\_\_\_\_.*

**Mati 5:5** *Sontolgiparang an-senga; maina uamang \_\_\_\_\_ man-rikgen.*

**U-IE RA-ANI:** Pagipa Isolo aro Depante Isol uamangni toromirang baksa gitalgipa a-gilsako donggen. Isol baksa songsul noksul ong-e dongnasiengani gimin chanchiate nibo!

# NANG·NI AGANCHAKANI

*Jisu agana, “Anga na-simangna biapko daksona re-nasia.” Johan 14:2. Ua nang-na rongtalgipa songjinmao biapko donsoaha. Uni jringjrotni janggiko on-aniko na-a da-o ra-chakjawama jedakode Ua nang-na gitalgipa atchipilaniko nang-na on-na aro Uni songnokna nang-ko tarina man-gen?*

**AGANCHAKANI:** \_\_\_\_\_

# PORAIDAPANI

*Ia bak poraidapaniko dakna u-iatdapaniko on-a.*

## Bilsi 1,000-Noksa

### Bilsi 1,000 ni a-bachengo ong-gnirang:

1. Jisuni An-tangni rongtalgiparagna re-bapilani, aro toromirangni chakatpilani.
2. Denggu dakgiparang Gitelni re-baachi nisiatako man-a, aroba bilongbegipa banggriani aro stil ga-akani ong-aha.
3. Tanggipa toromirang dingtangatako man-aha, aro Gitelko grongna bangbango rimdoako man-aha.
4. Salgini aram toromirangko salgiona ra-anggen.

### 1,000 Bilsirang

#### Bilsi 1,000 ni somoio ong-nasigipa obostarang:

1. Rongtalgiparang salgio ong-e dengguranko bichal ka-anio bak ra-ani.
2. Satan aro uni sa-grerang a-gilsako mande gri aro andalao dongna draatako man-aha.
3. Darang mandeba a-gilsako tangjaha.

## Bilsi 1,000 matchoto ong-a obostarang:

1. Jisu An-tangni rongtalgiparang baksa re-bapila, aro rongtalgipa songjinmako Joitun A-brini kosakona ong-onbaani.
2. Denggurangni chakatpila, aro Satan denggurang rongtalgipa songjinmako nisiatna didiako daka.
3. Denggurang bichal ka-ako man-aha, aro salgioni wa-alchi cha-minokaha.
4. Isol gital salgi aro gital a-ako rongtalatako man-gipa a-ani kosako dakaha.

# LESSON 14

## Tu-begipa A-kol

Parape-a 20:1 o janapgipa “tu-begipa a-kol” ni gimin bang-a changon ma-sisretani ong-ataha. Ian Greek katta “abusos” oni pe-skagipa katta ong-a, ian English kattaode “abyss” ong-a, chong-motan tu-begipa a-kol ine miksongani ong-a. Greek Niam Gitchamo, ia kattako A-gilsakko Ong-atna skang chichi duulgipa, andalgipa a-gilsakko talatna jakkalaha. “Aro andalani chu tu-ani kosako dongachim.” A-bachenga 1:2. “Abusos” ingipa kattako Luk 8:31 o korerangni obostarangni gimin talatna jakkalaha jeon uamang mamungkoba dakna bil man-ja ba man-kamna amja.

Bilsi 1,000 ni somoirango, diabolara obostarangchi kaako man-aha, “maikai ua bilsi hajalsa matchotkujana kingking jatrangko brangatjawa.” Parape-a 20:3. Chong-motgipa slitingchi mamungsaloba gisikni gita ong-gipako kana man-ja. Ian manderangko tol-napna kam ka-anikosa champenggen, aro maina uano darang manderangba dongjawaha! Jensalo Jisu re-bapilahaon, denggurang pilakan nisiatako man-tokgnok aro toromirang salgiona rimdoako man-gnok, indake Satan aro uni sa-grerang ia a-gilsako darangkoba tol-napna man-gija chipchange donga gita ong-gnok. Bilsi 1,000na uamang iachi uachi dake re-jojogen aro an-tangtangni bobil dakani biteko man-gnok. Obostarangni slitingchi kaaniko dakmike mesokna man-jaha. Ia bewalo Satan aro uni sa-grerang kaako man-gnok. “Aro uamangko chimonggen, jekai koedirangko a-kolo chimgonga, aro patoko chipchangako man-gen, aro bang-a salrangni ja-mano uamangko nina re-anggen.” Isaia 24:22.